
ФАРҒОНАДАГИ СЕМИНАРДА ҚОНУНЧИЛИК ҲУЖЖАТЛАРИ ИЖРОСИНИ ТАЪМИНЛАШДА РАҲБАРЛАРНИНГ ШАХСИЙ ЖАВОБГАРЛИГИНИ КУЧАЙТИРИШ МАСАЛАСИ МУҲОКАМА ҚИЛИНДИ

Фарғона вилояти ҳокимлигида қонунчилик ҳужжатлари ижросини самарали ташкил этишда давлат бошқаруви органлари ва маҳаллий ижро этувчи ҳокимият органлари раҳбарларининг шахсий жавобгарлигини кучайтиришга доир қўшимча чора-тадбирларга қаратилган ўқув-услубий семинар ташкил этилди.

Видеоалоқа йўли билан вилоятдаги шаҳар ва туманлар ҳам боғланган анжуманда Вазирлар Маҳкамаси ҳамда Ўзбекистон Республикаси Ҳисоб палатаси масъул ходимлари, вилоят ҳокимлиги вакиллари, ташкилот ва идоралар мутасаддилари қатнашдилар.

Семинарни вилоят ҳокими Хайрулло Бозоров очиб берди. Шундан сўнг сўз олганлар Ўзбекистон Республикаси Президенти ва Ҳукумати ҳужжатлари ҳамда топшириқларининг Фарғона вилоятидаги ижроси ҳолати ва барча даражадаги раҳбарлар масъулияти, юртимизда қонунчилик ҳужжатлари ижросини самарали ташкил этишда жорий этилган янги тизимнинг ўзига хос жиҳатлари, ахборот-коммуникация технологияларидан унумли фойдаланиш тартиблари, “lrgo.gov.uz” ижро интизоми идоралараро ягона электрон тизими фаолияти ҳақида тўхталиб ўтишди.

Тадбирда вилоят ҳокимлиги масъуллари ҳам тақдимот материаллари асосида мавзу юзасидан чиқиш қилдилар. Шунингдек, вилоятимиздаги бир қатор шаҳар-туманлар ҳокимликлари Ташкилий-назорат гуруҳлари раҳбарларининг режа-ҳисоботлари эшитилди.

Якунда олдинда турган вазифалар келишиб олинди.

Бизни ижтимоий тармоқларда кузатинг [Facebook](#),
2021-03-03 19:36:54